



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-02-979/22
Sarajevo, 20.01.2022. godine

Beganović Nermin
Ul. Brčanska br. 10/4
Sarajevo 71 000

PREDMET: Pojašnjenje o primjeni Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21), (u daljnjem tekstu Uredba), dostavlja se;

Ministarstvo za boračka pitanja Kantona Sarajevo je dana 13.01.2022. godine zaprimilo Vaš upit o primjeni Uredbe, u kome je postavljeno pitanje :

“Obraćam Vam se sa molbom da mi pojasnite nejasnoće kod primjene Uredbe u vezi člana 39. stav (2) i (3) Zakona o državnoj službi u Kantonu Sarajevo ("Službene novine Kantona Sarajevo", broj 31/16 i 45/19), jer izgleda svako ko čita i odlučuje o prijemu kandidata sa Liste uspješnih kandidata, tumači Uredbu kako njemu odgovara”?

Određeno je u članu 39. stav (2) : Izuzetno, iz opravdanih razloga uz obrazloženje, rukovodilac organa državne službe Gradonačelnik ili načelnik može postaviti kandidata bez obzira na redoslijed utvrđen na Listi uspješnih kandidata, a nakon obavljenog usmenog intervjua sa svim kandidatima sa Liste uspješnih kandidata.

Određeno je u članu 39. stav (3) : Pod opravdanim razlozima iz stava (2) ovog člana podrazumijeva se nacionalna i spolna struktura u organu državne službe i prednost u zapošljavanju utvrđena posebnim propisima.

U članu 1. stav (1) i (2) Uredbe je odgovor na Vaše pitanje:

Naime, stavom (1) člana 1. Uredbe jasno je propisano da jedinstvene kriterije i pravila za zapošljavanje branilaca i članova njihovih porodica primjenjuju kantonalni organi uprave i kantonalne upravne organizacije, Grad Sarajevo, općine u Kantonu Sarajevo, kao i sva pravna lica čiji je osnivač Kanton, Grad Sarajevo ili općina u Kantonu Sarajevo, odnosno ukoliko se finansiraju



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1



iz budžeta sa učešćem od najmanje 25%. Iz navedenog nesporno proizilazi da se ova Uredba primjenjuje prilikom odabira kandidata za zapošljavanje u naprijed navedenim subjektima u svim oblastima.

Članom 1. stav (2) određeno je da : “Organi državne službe u Kantonu Sarajevo dužni su provesti poseban postupak bodovanja po osnovu ove Uredbe shodno članu 39. stav (2) i (3) Zakona o državnoj službi u Kantonu Sarajevo (“Službene novine Kantona Sarajevo”, broj 31/16 i 45/19) kojim je propisana prednost u zapošljavanju utvrđena posebnim propisima” .

Tako da ističemo da je :

Uredba komplementarna sa primjenom: Zakona o državnoj službi u Kantonu Sarajevo i Zakona o namještenicima u organima državne službe u Federaciji BiH.

- Primjena kriterija za vrednovanje po ovoj Uredbi počinje nakon bodovanja po osnovu ispunjavanja općih i posebnih uvjeta za zapošljavanje na radno mjesto, nakon kompletno provedene procedure uključujući i intervju, te ona ni na koji način ne ometa ispunjavanje procedura zapošljavanja propisanih zakonima i drugim propisima kojima se uređuju radni odnosi. Neophodno je napomenuti da je i ranije u sadržaju svih zakona koji regulišu boračko invalidsku zaštitu, kako federalnih, tako i kantonalnom, postojala obaveza prioritnog zapošljavanja pripadnika ove populacije, samo je ovom Uredbom Vlada Kantona Sarajevo konačno konkretno uredila jedinstvene kriterije i pravila za zapošljavanje branilaca i članova njihovih porodica.

- U organima državne službe u Kantonu Sarajevo kada se zapošljava državni službenik, postupak bodovanja po Uredbi se vrši na način da rukovodioc organa nakon završenog konkursa na listu uspješnih kandidata koja je dostavljena od strane Agencije za državnu službu Federacije BiH na kandidate, primjeni Uredbu i izvrši dodatno bodovanje kandidata na koje se ista odnosi, a kako stoji u samoj Uredbi po članu 39. stav (2) i (3) Zakona o državnoj službi u Kantonu Sarajevo (“ Sl. Novine Kantona Sarajevo “ , broj 31/16 i 45/19);
- U organima državne službe u Kantonu Sarajevo kada se zapošljava namještenik, preporuka je da komisija koju imeni rukovodioc organa provede konkursnu proceduru sa određenim kriterijima, a nakon toga izvrši dodatno bodovanje po Uredbi.

- Zapošljavanje pripadnika boračke populacije i njihove djece, posebno djece šehida i poginulih, umrlih i nestalih branilaca je nespornan javni interes, pogotovo u situaciji kada se ta lica zapošljavaju samo pod uvjetom da su ispunila sve opće i posebne uvjete za zapošljavanje na radno mjesto po raspisanom konkur

Obradio : Hašim Halilović, dipl.pravnik

Kontrolisao: mr. Osman Smajlović

Dostaviti:

-Naslovu,

-a/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

